



Inatsisartunut ilaasortaq Naaja H Nathanielsen
/Maani

§ 37 naapertorlugu apeqquut nr 154-imut akissuteqaat

Naalakkersuisut 16. juli 2014-imi Inatsisartut suleriaasianni § 37 naapertorlugu Inatsisartunut ilaasortamit Naaja H Nathanielsen apeqquummik tigusaqarput.

Makku apeqqutigaatit:

- 1. Aningaasanut Inatsimmi sumi allaqqava aviisinut nuna tamakkerlugu saqqummersartunut tapiissuteqartoqassappat qinnuteqartut amigartooruteqarsimanissaat piumasaqaataasoq?**

Akissut:

Konto 10.06.24-imut oqaasertaliussani takuneqarsinnaavoq:

"Aviisit ingerlaannarnissaat qulakkeerniarlugu tapiissutit tunniunneqarput, peqataanillu allatut siammarterisinnaanermut ineriartortitsinissaminnik imaluunniit sunniuteqarnerusumik tunisassiorsinnaanermut teknikip tungaatigut nutaanik suliniuteqarnissaminnut periarfissinneqassapput.

Konto pingaarnermi matumani aningaasaliissutit qinnuteqaateqareernikkut tunniunneqartassapput. Qinnuteqartunut piumasarineqarpoq sapaatit akunneri tamakkerlugit nuna tamakkerlugu aviisinik kalaallisut danskisullu naqitanik saqqummertoqartassasoq.

Konto pingaarnermiit matuminnga aningaasaliissutinik ukiut tamaasa qinnuteqartoqarsinnaavoq kingusinnerpaamik 8. januar."

Tamatumalu kingorna inaarutaasumik aalajangiisoqassalluni.

- 2. Naalakkersuisut aviisinut nuna tamakkerlugu saqqummersartunut tapiissutit piivinnissaat pilersaarutigaat?**

Akissut:

Naalakkersuisut 2014-imi ukiakkut ataatsimiinnermi siunnersuutiginiarpaat konto 10.06.24-imut oqaasertaliussat siunissami allanngortinneqarnissaat, tamaaalilluni tusagassiiviit Kalaallit Nunaanniittut tamarmik tapiissutinik qinnuteqarsinnaalersillugit.

- 3. Naalakkersuisut isumaqarpat, tusagassiuutit pisortaniit tapiiffigineqartartut tassaangitsut naqisimaneqanngitsut, killiligaanatillu oqaaseqarsinnaanertik atorsinnaanngikkaat?**

25-07-2014
Suliap nr 2014-101973
Upp. normua 1642119

Postboks 1015
3900 Nuuk
Oqarasuaat (+299) 34 50 00
Allakkasuaruaat (+299) 32 50 02
E-mail: govsec@nanoq.gl
www.naalakkersuisut.gl

Akissut:

Naalackersuisut isumaqarput inuiaqatigiinnut nuanaarutissaasoq aviisit Sermitsiap aamma AG-p aningaasat eqqarsaatigalugit imminnut napatissinnaanerit, taamalu Namminersorlutik Oqartussanit aviisimik ingerlatsinerup qulakkeerneqarnissaanut tapiissutinik pisariaqartitsiunnaarsimallutik. Taamaalilluni SermiatsiaqAG aningaasaqarnermut tunngatillugu Nunatta Karsianik isumalluutaaruppoq.

Erseqqissaatigineqassaaq Naalackersuisunit tusagassiisarnikkut killilersuisoqannginnissaa aamma qanorluunniit oqaaseqartoqarsinnaanera tapersorsorneqarmata, taakkumi marluk inuiaqatigiinni tamat oqartussaaffigisaanni pingaaruteqarluinnartumik sukaammata toqqammaviusut. Taamaattumik pingaaruteqarpoq tusagassiorfiit killilersugaanngitsumik inuiaqatigiinni ingerlatsinerminnik isumaginnissinnaanerit qaqugukkulluunniit naalackersuisuutitaqartut illuatungiliuttullu kikkugualuarpataluunniit.

Naalackersuisut kissaatigaat tapersersussallugu qulakkiissallugulu inuiaqatigiinni tamanit peqataaffigineqartunik oqallittoqartarnissaa, kulturimik siammarterisoqartarnissaa kiisalu innuttaasunik paasisitsiniaanerup qulakkeerneqarsimanissaa.

Tamanna tunngavigalugu siusinnerusukkut oqaatigineqareersutut kontop allanngortinneqarnissaa Inatsisartunut siunnersuutigineqassaaq, taamaalilluni inuiaqatigiinni siamasissumik paasissutissiisoqartarnissaa qulakkeerneqassamat taamatullu kalaallit tusagassiorfiini tamatigoortuunerup assigiinngiaartuunerullu qulakkeerneqarnissaat.

4. Naalackersuisut ilisimavaat tapiissutit inatsisit malillugit taamaallaat aviisinut nuna tamakkerlugu saqqummersartunut tapiissutigineqarsinnaasut?

Akissut:

Naalackersuisut aningaasanut inatsit ilisimavaat 2014-imilu ukiakkut katersuunnermi konto 10.06.24-imut oqaasertaliussat allanngortinneqarnissaat siunnersuutiginiarlugu, takuuk apeqqut 2-mut akissut.

Inussiarnersumik inuulluaqqusillunga

Med venlig hilsen


Aleqa Hammond